

Bosna i Hercegovina
Federacija Bosne i Hercegovine
KANTON SARAJEVO
Vlada



Босна и Херцеговина
Федерација Босне и Херцеговине
КАНТОН САРАЈЕВО
Влада

Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-17055-1.1/21
Sarajevo, 09.04.2021. godine

IZMJENE I DOPUNE PROGRAMA
kratkoročnih i srednjoročnih mjera od značaja za ublažavanje
negativnih ekonomskih posljedica na privredu u Kantonu Sarajevo
izazvanih koronavirusom (COVID-19)

Sarajevo, april, 2021. godine



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1



IZMJENE I DOPUNE PROGRAMA

kratkoročnih i srednjoročnih mjera od značaja za ublažavanje negativnih ekonomskih posljedica na privredu u Kantonu Sarajevo izazvanih koronavirusom (COVID-19)

Članom 2. stav (5) Zakona o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo", br. 18/20, 46/20 i 12/21) (u daljnjem tekstu: Zakon) propisano je - da će Vlada Kantona Sarajevo, u skladu sa obezbijedenim sredstvima, osigurati finansiranje cijele ili dijela minimalne mjesečne neto plaće na nivou Federacije Bosne i Hercegovine za mjesec u 2021. godini za djelatnosti kojima je rad znatno otežan zbog posljedica uzrokovanih pandemijom koronavirusa.

Dalje, članom 2. stav (7) Zakona propisano je - da na prijedlog Ministarstva privrede Kantona Sarajevo, Vlada Kantona Sarajevo može odlukom odobriti isplatu pripadajućih poreza i doprinosa na minimalnu mjesečnu neto plaću na nivou Federacije Bosne i Hercegovine subjektima kojima svojom odlukom zabrani rad, za period trajanja ove zabrane.

Poseban akt iz člana 2. stav (6) Zakona o postupku finansiranja iz člana 2. stav (5) Zakona, na prijedlog Ministarstva privrede Kantona Sarajevo donosi Vlada Kantona Sarajevo, a rok za donošenje ovog posebnog akta o postupku finansiranja je najkasnije u roku od 10 (deset) dana od dana stupanja na snagu Zakona.

Imajući u vidu navedeno, a temeljom člana 13. stav (3) Zakona u Programu kratkoročnih i srednjoročnih mjera od značaja za ublažavanje negativnih ekonomskih posljedica na privredu u Kantonu Sarajevo izazvanih koronavirusom (COVID-19), br. 02-04-13523-1.1/20 od 22.05.2020. godine, 02-04-20859-2.1/20 od 16.06.2020. godine i 02-04-48417-11.1/20 od 08.12.2020. godine (u daljnjem tekstu: Program) vrše se sljedeće izmjene i dopune:

I

U Programu, u poglavlju V, u tabeli: "Kratkoročne i srednjoročne mjere od značaja za ublažavanje negativnih ekonomskih posljedica na privredu u Kantonu Sarajevo izazvanih koronavirusom (COVID-19), iza mjere M 1.11. dodaju se nove mjere M 1.12., M 1.13., M 1.14. i M 1.15. sa sljedećim elementima, kao novi tabelarni redovi:

M 1.12.	Finansiranje cijele ili dijela minimalne mjesečne neto plaće (u FBiH) za mjesec u 2021. godini po odlukama Vlade KS, a pojedinačnom ovom odlukom se odobrava ovo finansiranje za jedan ili više mjeseci.	01.03.2021. do 31.12.2021.godine	Subjekti kojima je rad znatno otežan zbog posljedica uzrokovanih pandemijom koronavirusa.	Donošenje posebnog akta iz člana 2. stav (6) Zakona. Donošenje pojedinačne odluke Vlade KS kojom se odobrava ovo finansiranje za jedan ili više mjeseci.	Nosioci provođenja ove mjere su: Vlada KS Ministarstvo privrede KS Ministarstvo finansija KS	21.000.000,00 KM/Budžet Kantona Sarajevo za 2021. godinu	31.01.2022. godine
M 1.13.	Finansiranje pripadajućih poreza i doprinosa na minimalnu mjesečnu neto plaću (u FBiH) subjektima kojima je odlukama Vlade KS zabranjeno obavljanje djelatnosti, za periode trajanja ove zabrane.	01.03.2021. do 31.12.2021.godine	Subjekti kojima je odlukama Vlade KS zabranjeno obavljanje djelatnosti.	Donošenje odluke Vlade KS o zabrani obavljanja odnosnih djelatnosti. Donošenje pojedinačne odluke Vlade KS kojom se odobrava ovo finansiranje za period trajanja ove	Nosioci provođenja ove mjere su: Vlada KS Ministarstvo privrede KS Ministarstvo finansija KS		

				zabrane.			
M 1.14.	Umanjenje obaveze plaćanja članarine Turističkoj zajednici KS u iznosu od 50% za kalendarsku 2021. godinu.	Od dana stupanja na snagu Zakona o dopuni Zakona o turizmu ("Službene novine KS", broj 13/21) do 31.12.2021. godine.	Obveznici po Zakonu o turizmu ("Službene novine KS", br. 19/16, 31/17, 34/17 i 13/21) koji obavljaju djelatnosti obuhvaćene pravilnikom iz člana 63. stav (3) ovog Zakona.	Primarna aktivnost je realizovana donošenjem Zakona o dopuni Zakona o turizmu ("Službene novine KS", broj 13/21). Donošenje Izmjene i dopune pravilnika iz člana 63. stav (3) ovog Zakona.	Turistička zajednica KS prati provođenje ove mjere.	Rasterećenje privrede: 1.500.000,00 KM.	31.12.2021. godine
M 1.15.	Umanjenje obaveze plaćanja naknade za općekorisne funkcije šuma u iznosu od 50%.	Od dana stupanja na snagu Zakona o izmjeni Zakona o šumama ("Službene novine KS", broj 10/21).	Obveznici po Zakonu o šumama ("Službene novine KS", br. 15/13 i 10/21).	Primarna aktivnost je realizovana donošenjem Zakona o izmjeni Zakona o šumama ("Službene novine KS", broj 10/21).	Ministarstvo privrede KS – Uprava za šumarstvo prati provođenje ove mjere.	Rasterećenje privrede u 2021. godini: 2.000.000,00 KM.	Trajno

II

U Programu, u poglavlju V, u tabeli: "Kratkoročne i srednjoročne mjere od značaja za ublažavanje negativnih ekonomskih posljedica na privredu u Kantonu Sarajevo izazvanih koronavirusom (COVID-19), iza mjere M 2.6. dodaju se nove mjere M 2.7., M 2.8. i M 2.9. sa sljedećim elementima, kao novi tabelarni redovi:

M 2.7.	Godišnji program razvoja male privrede za 2021. godinu pripremiti i usvojiti tako da uključi one zakonske mjere i aktivnosti koje će dati najbolje učinke u oporavku male privrede. Planirana sredstva u iznosu od 8.490.000,00 KM sa rasporedom: 3.490.000,00 KM kao poticajna grant sredstva subjektima male privrede; 5.000.000,00 KM za obezbjeđenje kreditnih linija uz subvencioniranu kamatnu stopu.	2021. godina	Subjenti koji su sredstva dobili u skladu sa Zakonom o poticaju razvoja male privrede ("Službene novine KS", broj 29/15).	Sačiniti analizu i pripremiti i pripremiti Godišnji program i provesti aktivnosti u skladu sa Zakonom o poticaju razvoja male privrede ("Službene novine KS", broj 29/15).	Nosioci ove mjere: Ministarstvo privrede KS Vlada KS.	8.490.000,00 KM/Budžet KS (Procjena visine obezbjeđenih kreditnih sredstava: 90.000.000,00 KM.)	31.01.2022. godine
M 2.8.	Povećanje iznosa sredstava namijenjenih redovnim podsticajima u poljoprivredi na području KS.	2021. godina	Subjenti koji zadovoljavaju uvjete iz Javnog poziva.	Provesti aktivnosti u skladu sa Zakonom o novčanim podsticajima u poljoprivredi na području KS ("Službene novine KS", br. 1/12 i 15/13).	Nosioci provođenja ove mjere su: Vlada KS Ministarstvo privrede KS.	6.100.000,00 KM/Budžet KS	31.01.2022. godine

M 2.9.	Dodjela podsticajnih sredstava za očuvanje i razvoj tradicionalnih zanata – obrta za 2021. godinu.	2021. godina	Subjekti koji su sredstva dobili u skladu sa Uredbom o kriterijima i postupku za ostvarivanje prava na podsticajna sredstva za očuvanje i razvoj tradicionalnih i starih zanata – obrta ("Službene novine KS", br. 15/10 i 29/11).	Primarna aktivnost je realizovana objavom Javnog poziva.	Nosilac provođenja ove mjere: Ministarstvo privrede KS.	250.000,00 KM/Budžet KS	30.06.2021. godine

III

U Programu, u poglavlju V, u tabeli: "Kratkoročne i srednjoročne mjere od značaja za ublažavanje negativnih ekonomskih posljedica na privredu u Kantonu Sarajevo izazvanih koronavirusom (COVID-19), iza mjere M 3.1. dodaju se nove mjere M 3.2. i M 3.3. sa sljedećim elementima, kao novi tabelarni red:

M 3.2.	Finansiranje materijalno socijalne sigurnosti nezaposlenih osoba na osnovu odredbi od člana 45. do člana 53. Zakona o posredovanju u zapošljavanju i socijalnoj sigurnosti nezaposlenih osoba FBiH ("Službene novine FBiH", br. 41/01, 22/05 i 9/08) i finansiranje zdravstvenog osiguranja za nezaposlene osobe na osnovu odredbi Zakonom o zdravstvenom osiguranju („Službene novine FBiH“, br. 30/97, 7/02, 70/08 i 48/11)	2021. godina	Nezaposlene osobe.	Donošenje pojedinačnog rješenja o priznavanju prava na novčanu naknadu. Podnošenje pojedinačne prijave.	Nosioci provođenja ove mjere: JU "Služba za zapošljavanje KS", Sarajevo Ministarstvo rada i socijalne politike KS.	21.500.000,00 KM/Budžet JU "Službe za zapošljavanje KS", Sarajevo za nezaposlene.	31.01.2022. godine
--------	---	--------------	--------------------	---	--	---	--------------------

M 3.3.	Program mjera za podsticaj zapošljavanja i održavanja više stope zaposlenosti i poboljšanje strukture zaposlenih u KS u 2021. godini pripremiti tako da uključi one zakonske mjere i aktivnosti koje će dati najbolje učinke u oporavku privrede i povećanju broja zaposlenih.	2021. godina	Subjekti koji su sredstva dobili u skladu sa Zakonom o posredovanju u zapošljavanju i socijalnoj sigurnosti nezaposlenih osoba u KS ("Službene novine KS", br. 4/04, 29/09 i 18/13).	Primarne aktivnosti će se realizovati donošenjem odnosnog Programa i objavom odnosnih javnih poziva.	Nosilac provođenja ove mjere: JU "Služba za zapošljavanje KS", Sarajevo Vlada KS.	4.356.427,00 KM/Budžet JU "Služba za zapošljavanje KS", Sarajevo	31.01.2021. godine
--------	--	--------------	--	--	---	--	--------------------

IV

U Programu, u poglavlju V, iza tabele: „Rekapitulacija“ dodaje se nova tabela sa sljedećim elementima:

Rekapitulacija za 2021. godinu		
Podrška likvidnosti privrede		
1.	Direktna podrška privredi za zadržavanje nivoa zaposlenosti i očuvanja radnih mjesta KM	21.000.000,00 KM
2.	Rasterećenje privrede za podršku likvidnosti kroz oslobađanje od plaćanja fiskalnih i parafiskalnih nameta	3.500.000,00 KM
Ukupno		24.500.000,00 KM
Podrška revizalizaciji privrede – kreditna sredstva i grantovi		
1.	Kreditna sredstva	90.000.000,00 KM
2.	Poticajna grant sredstva subjektima male privrede	3.490.000,00 KM
3.	Podrška poljoprivredi	6.100.000,00 KM
Ukupno		99.590.000,00 KM
Mjere socijalne politike		
1.	Podrška osobama koje su ostale bez posla putem JU „Služba za zapošljavanje KS“, Sarajevo	21.500.000,00 KM
2.	Podsticaj zapošljavanja i održavanja više stope zaposlenosti i poboljšanje strukture zaposlenih u KS	4.356.427,00 KM
Ukupno		25.856.427,00 KM
Sveukupno		148.946.427,00 KM

V

U Programu, iza poglavlja VII, dodaje se novo poglavlje VIII:

VIII IMPLEMENTACIJA MJERE M 1.12. - FINANSIRANJE CIJELE ILI DIJELA MINIMALNE MJESEČNE NETO PLAĆE (U FBiH) ZA MJESECE U 2021. GODINI

U okviru seta kratkoročnih i srednjoročnih mjera od značaja za ublažavanje negativnih ekonomskih posljedica na privredu u Kantonu Sarajevo izazvanih koronavirusom (COVID-19) uključena je i mjera M 1.12. koja se odnosi na finansiranje cijele ili dijela minimalne mjesečne neto plaće (u FBiH) za mjesece u 2021. godini, u skladu sa obezbjeđenim sredstvima. Bazni elementi implementacije mjere M 1.12. su sljedeći:

1. Subjekti koji su isključeni iz finansiranja cijele ili dijela minimalne mjesečne neto plaće (u FBiH) za mjesece u 2021. godini

Sljedeći subjekti su isključeni iz finansiranja cijele ili dijela minimalne mjesečne neto plaće (u FBiH) za mjesec u 2021. godini: javna preduzeća, javne ustanove, javne institucije, organi uprave, upravne organizacije, organi i jedinice lokalne samouprave, banke i druge finansijske organizacije (oblasti po KD BiH 2010: 64-66), subjekti koji obavljaju djelatnost kockanja i klađenja, udruženja, te fizička lica koja samostalno obavljaju registrovanu poslovnu djelatnost kao dopunsko zanimanje, a koja u skladu sa propisima o porezu na dohodak, porez na dohodak po tom osnovu plaćaju prema paušalnom utvrđenom iznosu.

2. Donošenje pojedinačne odluke Vlade Kantona Sarajevo kojom se odobrava finansiranje cijele ili dijela minimalne mjesečne neto plaće (u FBiH) za odnosni mjesec u 2021. godini

U skladu sa obezbjeđenim finansijskim sredstvima, na prijedlog Ministarstva privrede Kantona Sarajevo Vlada Kantona Sarajevo donosi pojedinačnu odluku kojom se odobrava finansiranje cijele ili dijela minimalne mjesečne neto plaće (u FBiH) za odnosni mjesec u 2021. godini (u daljnjem tekstu: Mjesec). Istom pojedinačnom odlukom može se odobriti ovo finansiranje za jedan ili više mjeseci u 2021. godini.

3. Uslovi za finansiranje cijele ili dijela minimalne mjesečne neto plaće (u FBiH) za Mjesec

3.1 Pravo na uplatu cijele ili dijela minimalne mjesečne neto plaće (u FBiH) za Mjesec mogu ostvariti poslovni subjekti (pravna lica i fizička lica koja samostalno obavljaju registrovanu poslovnu djelatnost) koji ispunjavaju sljedeće uslove:

- a) da poslovni subjekt nije subjekt iz tačke 1. poglavlja VIII ovog Programa, tj. da nije subjekt koji je isključen iz finansiranja cijele ili dijela minimalne mjesečne neto plaće (u FBiH) za mjesec u 2021. godini,
- b) da poslovni subjekt ima sjedište u Kantonu Sarajevo, s tim da ovo pravo ne može ostvariti za poslovne jedinice u svom sastavu koje se nalaze izvan područja Kantona Sarajevo,
- c) da poslovni subjekt sa sjedištem izvan Kantona Sarajevo na području FBiH u svom sastavu ima poslovne jedinice koje se nalaze na području Kantona Sarajevo, s tim da ovo pravo može ostvariti samo za ove poslovne jedinice,
- d) da u Mjesecu, poslovni subjekt iz podtačke 3.1 pod b) ove tačke ima pad prometa iz podtačke 3.2 ove tačke u odnosu na prosječni mjesečni promet u 2019. godini, odnosno poslovni subjekt iz podtačke 3.1 pod c) ove tačke ima pad prometa iz podtačke 3.3 ove tačke u odnosu na prosječni mjesečni promet u 2019. godini, kako slijedi: (1) veći od 30% do 50% ili veći od 50%, s tim da se ovaj uslov ne odnosi na poslovne subjekte iz podtačke 3.4 i 3.5 ove tačke,
- e) da je poslovni subjekt iz podtačke 3.1 pod b) ove tačke bez poslovnih jedinica iz ove podtačke, odnosno da je poslovni subjekt u poslovnim jedinicama iz podtačke 3.1 pod c) ove tačke, odnosno da je poslovni subjekt iz podtačke 3.4 ove tačke, na dan 31.12.2020. godine zadržao najmanje: - 2/3 (dvije trećine) od broja uposlenika na dan 29.02.2020. godine ako je subjekt koji na ovaj dan ima 3 ili više uposlenika, odnosno 1/2 (jednu polovinu) od broja uposlenika na dan 29.02.2020. godine ako je subjekt koji na ovaj dan ima 2 uposlenika ili ako je subjekt kojem je odlukom Vlade Kantona Sarajevo zabranjeno obavljanje djelatnosti u Mjesecu u kojem je najmanje jedan dan trajala ova zabrana, s tim da se ovaj uslov ne odnosi na poslovne subjekte iz podtačke 3.5 ove tačke i
- f) da poslovni subjekt do dana objave javnog poziva za ostvarivanje ovog prava ima izvršene obaveze po osnovu javnih prihoda sa 30.09.2020. godine koji se vode kod Porezne uprave Federacije BiH.

3.2 Promet za poslovni subjekt iz podtačke 3.1 pod b) ove tačke, za ocjenu ispunjenosti uslova iz podtačke 3.1 pod d) ove tačke, je ukupni promet ovog subjekta iz kojeg prometa je isključen promet poslovnih jedinica ovog subjekta koje se nalaze izvan područja Kantona Sarajevo.

3.3 Promet za poslovni subjekt iz podtačke 3.1 pod c) ove tačke, za ocjenu ispunjenosti uslova iz podtačke 3.1 pod d) ove tačke, je ukupni promet svih poslovnih jedinica ovog subjekta koje se nalaze na području Kantona Sarajevo.

3.4 Fizička lica sa sjedištem na području Kantona Sarajevo koja samostalno obavljaju registrovanu poslovnu djelatnost, a koja u skladu sa propisima o porezu na dohodak, porez na dohodak po tom osnovu plaćaju prema paušalnom utvrđenom iznosu (osnovno zanimanje i dodatno zanimanje) nisu obavezni da ispune uslov koji se odnosi na pad prometa iz podtačke 3.1 pod d) ove tačke.

3.5 Poslovni subjekti iz podtačke 3.1 pod b) ove tačke za pripadajuće pravo iz ove podtačke, poslovni subjekti iz podtačke 3.1 pod c) ove tačke za pripadajuće pravo iz ove podtačke i poslovni subjekti iz podtačke 3.4 ove tačke, koji su registrovani nakon 01.12.2019. godine, nisu obavezni da ispune uslov koji se odnosi na pad prometa iz podtačke 3.1 pod d) ove tačke i uslov koji se odnosi na zadržavanje broja radnika iz podtačke 3.1 pod e) ove tačke.

3.6 Broj uposlenika za poslovni subjekt iz podtačke 3.1 pod b) ove tačke, za obračun ukupnog iznosa za uplatu za odnosni mjesec iz tačke 4. poglavlja VIII ovog Programa, je ukupni broj uposlenika ovog subjekta iz kojeg broja uposlenika je isključen broj uposlenika poslovnih jedinica ovog subjekta koje se nalaze izvan područja Kantona Sarajevo, na posljednji dan u Mjesecu.

3.7 Broj uposlenika za poslovni subjekt iz podtačke 3.1 pod c) ove tačke, za obračun ukupnog iznosa za uplatu za odnosni mjesec iz tačke 4. poglavlja VIII ovog Programa, je ukupni broj uposlenika svih poslovnih jedinica ovog subjekta koje se nalaze na području Kantona Sarajevo, na posljednji dan u Mjesecu.

4. Maksimalan iznos minimalne mjesečne neto plaće (u FBiH) koji se može uplatiti poslovnim subjektima koji ispunjavaju sve potrebne uslove za Mjesec

4.1 Odnosnom poslovnom subjektu iz podtački 3.1 pod b) i 3.1 pod c) tačke 3. poglavlja VIII ovog Programa, koji ispunjava sve potrebne uslove za Mjesec, za broj uposlenika iz podtačke 3.6, odnosno podtačke 3.7 tačke 3. poglavlja VIII ovog Programa, može se uplatiti dio minimalne mjesečne neto plaće (u FBiH) po uposlenom, kako slijedi:

- a) do 50% minimalne mjesečne neto plaće (u FBiH) za subjekte koji imaju pad prometa veći od 30% do 50%,
- b) do 100% minimalne mjesečne neto plaće (u FBiH) za subjekte koji imaju pad prometa veći od 50%.

4.2 Poslovnom subjektu iz podtačke 3.4 tačke 3. poglavlja VIII ovog Programa koji ispunjava sve potrebne uslove za Mjesec, za broj uposlenika na poslednji dan u Mjesecu može se uplatiti do 50% minimalne mjesečne neto plaće (u FBiH) po uposlenom.

4.3. Poslovnom subjektu iz podtačke 3.5 tačke 3. poglavlja VIII ovog Programa koji ispunjava sve potrebne uslove za Mjesec, za broj uposlenika na poslednji dan u Mjesecu može se uplatiti do 40% minimalne mjesečne neto plaće (u FBiH) po uposlenom.

4.4 Vlada Kantona Sarajevo će pojedinačnom odlukom utvrditi iznose dijela minimalne mjesečne neto plaće (u FBiH) iz podtačaka 4.1, 4.2 i 4.3 ove tačke za Mjesec. Istom pojedinačnom odlukom mogu se utvrditi ovi iznosi za jedan ili više mjeseci u 2021. godini.

5. Postupak finansiranja cijele ili dijela minimalne mjesečne neto plaće (u FBiH) za mjesece u 2021. godini

Postupak finansiranja cijele ili dijela minimalne mjesečne neto plaće na nivou Federacije Bosne i Hercegovine za mjesece u 2021. godini za djelatnosti kojima je rad znatno otežan zbog posljedica uzrokovanih pandemijom koronavirusa, propisuje se Uredbom o postupku finansiranja cijele ili dijela minimalne mjesečne neto plaće (u FBiH) za mjesece u 2021. godini, koju na prijedlog Ministarstva privrede Kantona Sarajevo donosi Vlada Kantona Sarajevo, a na osnovu člana 2. stav (6) Zakona i temeljom poglavlja VIII ovog Programa.

VI

U Programu, iza poglavlja VIII, dodaje se novo poglavlje IX:

IX IMPLEMENTACIJA MJERE M 1.13. - FINANSIRANJE PRIPADAJUĆIH POREZA I DOPRINOSA NA MINIMALNU MJESEČNU NETO PLAĆU (U FBiH) ZA PERIOD TRAJANJA ZABRANE OBAVLJANJA DJELATNOSTI

U okviru seta kratkoročnih i srednjoročnih mjera od značaja za ublažavanje negativnih ekonomskih posljedica na privredu u Kantonu Sarajevo izazvanih koronavirusom (COVID-19) uključena je i mjera M 1.13. koja se odnosi na finansiranje pripadajućih poreza i doprinosa na minimalnu mjesečnu neto plaću (u FBiH) za period trajanja zabrane obavljanja djelatnosti. Bazni elementi implementacije mjere M 1.13. su sljedeći:

1. Donošenje pojedinačne odluke Vlade Kantona Sarajevo kojom se odobrava finansiranje pripadajućih poreza i doprinosa na minimalnu mjesečnu neto plaću (u FBiH) za period trajanja zabrane obavljanja djelatnosti

Na prijedlog Ministarstva privrede Kantona Sarajevo, Vlada Kantona Sarajevo može donijeti pojedinačnu odluku kojom se odobrava finansiranje pripadajućih poreza i doprinosa na minimalnu mjesečnu neto plaću (u FBiH) za period trajanja zabrane obavljanja djelatnosti - registrovanih u skladu sa KD BiH 2010 i koje obavljaju poslovni subjekti (u daljnjem tekstu: Period zabrane rada).

2. Uslovi za finansiranje pripadajućih poreza i doprinosa na minimalnu mjesečnu neto plaću (u FBiH) za Period zabrane rada

2.1 Pravo na uplatu pripadajućih poreza i doprinosa na minimalnu mjesečnu neto plaću (u FBiH) za Period zabrane rada mogu ostvariti poslovni subjekti (pravna lica i fizička lica koja samostalno obavljaju registrovanu poslovnu djelatnost) koji ispunjavaju sljedeće uslove:

- a) da poslovni subjekt ima sjedište u Kantonu Sarajevo i da obavlja djelatnost registrovanu u skladu sa KD BiH 2010 čije obavljanje je odnosnom odlukom Vlade Kantona Sarajevo zabranjeno na određeni period, s tim da ovo pravo ne može ostvariti za poslovne jedinice u svom sastavu koje se nalaze izvan područja Kantona Sarajevo,
- b) da poslovni subjekt sa sjedištem izvan Kantona Sarajevo na području FBiH u svom sastavu ima poslovne jedinice koje se nalaze na području Kantona Sarajevo i da obavlja djelatnost registrovanu u skladu sa KD BiH 2010 čije obavljanje je odnosnom odlukom Vlade Kantona Sarajevo zabranjeno na određeni period, s tim da ovo pravo može ostvariti samo za ove poslovne jedinice i
- c) da poslovni subjekt do dana objave javnog poziva za ostvarivanje ovog prava ima izvršene obaveze po osnovu javnih prihoda sa 30.09.2020. godine koji se vode kod Porezne uprave Federacije BiH.

2.2 U slučaju da je Period zabrane rada za koji se vrši obračun sadržan u jednom mjesecu u 2021. godini, jedinični ili dnevni iznos za uplatu pripadajućih poreza i doprinosa na minimalnu mjesečnu neto plaću (u FBiH) po uposleniku utvrđuje se kao proizvod ovih poreza i doprinosa na nivou tog mjeseca i odnosa broja dana u Periodu zabrane rada i broja dana u tom mjesecu.

2.3. U slučaju da je Period zabrane rada za koji se vrši obračun sadržan u dva ili više mjeseci u 2021. godini, jedinični ili dnevni iznos za uplatu pripadajućih poreza i doprinosa na minimalnu mjesečnu neto plaću (u FBiH) po uposleniku jeste srednja vrijednost jediničnih ili dnevnih iznosa utvrđenih u skladu sa podtačkom 2.2 ove tačke.

2.4 Broj uposlenika za odnosni poslovni subjekt iz podtački 2.1 pod a) i 2.1 pod b) ove tačke, za obračun ukupnog iznosa za uplatu odnosnih poreza i doprinosa za Period zabrane rada je ukupni broj uposlenika koji vrše poslove i radne zadatke uposlenika u obavljanju djelatnosti čije obavljanje je odnosnom odlukom Vlade Kantona Sarajevo zabranjeno na određeni period, sa stanjem/ovim statusom na posljednji dan u mjesecu u 2021. godini koji prethodi mjesecu u kojem započinje Period zabrane rada za koji se vrši obračun.

2.5. Odnosnom poslovnom subjektu iz podtački 2.1 pod a) i 2.1 pod b) ove tačke, koji ispunjava sve potrebne uslove za ostvarivanje ovog prava za Period zabrane rada, može se uplatiti ukupni iznos na ime odnosnih poreza i doprinosa koji je jednak proizvodu broja uposlenika iz podtačke 2.4 ove tačke, broja dana u Periodu zabrane rada i jediničnog ili dnevnog iznosa iz podtačke 2.2 ili 2.3 ove tačke, u zavisnosti koja je okolnost nastupila vezano za odnosnu vremensku sadržanost odnosnog Perioda zabrane rada.

3. Postupak finansiranja pripadajućih poreza i doprinosa na minimalnu mjesečnu neto plaću (u FBiH) za period trajanja zabrane obavljanja djelatnosti

Postupak finansiranja pripadajućih poreza i doprinosa na minimalnu mjesečnu neto plaću (u FBiH) za period trajanja zabrane obavljanja djelatnosti - registrovanih u skladu sa KD BiH 2010 i koje obavljaju poslovni subjekti propisuje se pojedinačnom odlukom iz tačke 1. ovog Poglavlja. Svaka pojedinačna odluka treba sadržavati iste odredbe kojima se uređuje pitanje ovog postupka, odnosno ovaj postupak treba se propisati istovjetno.



PREMIJER

Edin Forto

Dostaviti:

1. Predsjedavajući Skupštine Kantona Sarajevo,
2. Zamjenici Predsjedavajućeg Skupštine Kantona Sarajevo (3x),
3. Premijer Vlade Kantona Sarajevo,
4. Ministarstvo privrede Kantona Sarajevo,
5. Ministarstvo finansija Kantona Sarajevo,
6. Za objavu u "Službenim novinama Kantona Sarajevo",
7. Evidencija,
8. Arhiva.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1



